

ADDRESS BY HONOURABLE A.K. GUNGAH, MINISTER OF CIVIL SERVICE AND ADMINISTRATIVE REFORMS ON THE OCCASION OF THE LAUNCHING CEREMONY OF THE INDUCTION COURSE FOR TEMPORARY OFFICE CARE ATTENDANTS ON 07 OCTOBER, 2010 AT 09:00 HOURS AT FOOKS HOUSE.

Mr. Seebaluck, Senior Chief Executive de mo Ministere

Mme Oree, Acting Permanent Secretary

Ban officiers de mo Ministere

Ban représentants syndicats

Ban ressource persons,

Bans membres la presse,

Et bien sur, chers participants,

Li fer moi ene grand l'honneur pou adresse zot azordi pou lance ene cour ki pou aide zot dans zot travail.

Pou coumancé, mo ti envi felicite bans participants ki fine reussi gagne travail temporairement kuma ban Office Care Attendant.

Pou la plupart d'entre zot, travail dans secteur public li ene nouveau experience. C'est pour sa ki li important pou zot pou prend sa cour la. Mo péna okéne doute ki bans dimoune ki pou train zot, pou donne zot le meilleur, pou ki zot ena ene bon ranment dans zot travail, et surtout pou ki zot kapave adapté dans l'environnement ban different ministers kot zot fine aller.

Fine établir ene programme assez detailler pendant sa 2 zours ki zot prend sa cours, bans premier batch p coumancer azordi. Zot pou kpave gagne bans cours ki bien definir zot bans responsabilité: par exemple cours dans Housekeeping ek lor l'hygiène. C'est a dire garde partout proper pou ki nous kpave travail dans ene bon lenvironnement. Aussi lor l'Ethic- kuma bisin travail, lor la sécurité ek surtout lor confidentialit. Sa cour la pou aide zot aussi comprends bans dernier technologie ek pou ki zot kapave adapter zot.

Lor communication, mais aussi lor kuma pou aide le public ki p vine dans bans ministère, pou guide zot. Parski c zot ki le vitrine de chaque ministère ki zot représenter. C zot ki le public zoine en premier kuma li rentre dans ene ministère. Alors zot bisin

courtois, toujours avec ene sourire, ek toujours aider ek guide sa dimoune ki p demande zot ene service.

Dans mo bans discours, tout lé temps mo dire, mo souhaiter ki dans service civil nous met en pratique 4 zafer, ki mo appel 4 P. Premierment Pace, ki veut dire, rapidité ki zot faire travail. Passion, zot ena ene passion pou servi public, pou lever gramatin ek vine travail. Pride, zot fiere de zot travail ek sa bisin reflecter dans zot rendement. Ek finalement, Professionalism : Surtout ki travail avec ene professionalisme. Sakene parmi zot ine vini avec ene talents particulier, alors zot bisin servi sa qualité ki zot ena dans zot pou ameliorer le service publique. C'est mo voeu le plus cher.

Mo bisin dire zot aussi, ki foder zot hesiter pou pose minporte ki question a ban Ressource Person pou la pendant zot cours, sa bans personne la, la, pou aide zot comprend mieux sa cours la ek aussi pou comprend pli bien la fonction publique.

Premier Ministre tou lé temps dire ki Maurice depene lor bans travailleurs pou ki pays developer. Zot, kuma bans fonctionnaires zot contribuer boucoup pou ki nous develope encore plis nous pays. Zot fine rentre dans gouvernement avec ene motivation, mo esperer zot pou faire tout pou faire honneur a zot ministere et department kot zot p travail.

Mo bisin dire aussi ki mo bien content ki mo ministere met l'emphase lor training surtout kan nous resource bien limiter, mo bien fiere ki nous arriver train le maximum de personne, ek aussi dans bans lezot ministeres.

Avant mo terminer, mo dir zot encore ene fois felicitacion ek mo souhaite bon courage, all the best pou zot nouveau travail. Mo souhaiter aussi ki zot reussi accomplir tout zot travail ek responsabilité ki ena lor zot ledos. Zot fek rentrer, zot encore bien motiver pou coumance sa nouveau travail la, et mo coner zot pou faire de zot mieux pou rane le service civile efficace ek donne ene encore meilleur service au public.

Mo ena le plaisir pou déclare sa cours la ouvert, et mo remercier zot pou zot l'attention.